



348

D 41



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
348 D 41






Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
348 D 41




Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
348 D 41





Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
348 D 41


~~XV. VIII. 7. 68~~

68.









JOAN. HENRICI MEIBOMI

DE

FLAGRORUM

USU

KW 348 241
In re Veneria.

Et lumborum renumque
officio ,

Ad V. Cl.

CHRISTIANUM CAS-
SIUM ,

Episcopi Lubecensis &
Holsatiæ Ducis Consi-
liarium.


EDITIO SECUNDA.

Rarioris argumenti libellus.

LUGD. BATAVORUM.

Delicias pariunt *Vener*
crudelia Flagra ;

Dum nocet , illa iuvat
dum iuvat , ecco
nocet.



De Fla
N
d
g
E
adeo iuv
Eum enim
fui, qu
triusque n
Martinum
cipistui C
gam tuu
Primum a
vix memi
tiones ve
do facere
bis videb
na esse co
re, & ad
passim id
Maniac
sclepiad
D. Aug

DE FLAGRORUM USU ;

N accipe sis tandem, amicissime Cassi, quem ex vino tibi debeo, *de flagrorum* non adeo invulgato *usu* discursum. Eum enim pollicitus tibi nuper fui, quum apud communem utriusque nostrum amicum CL. Martinum Gerdesium, Ill^{mi} Principis tui Consiliarium, ac Collegam tuum in coena unà essemus. Primùm autem, qua occasione vix memini, ad morborum curationes verbera & plagas aliquando facere dixi; quod *ῥῆδοςον* vobis videbatur. Id verò experientia ita esse compertum, ego adferere, & ad Medicos provocare, qui passim id doceant, ac testentur. *Maniacos* sanè jam olim Titus, Asclepiadis discipulus (qui sub D. Augusto vixit, ut in vitis Me-

A 2 di-

4 DE FLAGRORUM USU

dicorum ostendi) lib. II. de anima, flagellis docuit coërcendos, ut sinistro mentis judicio depulso resipiscerent. Testis est Cælius Aurelianus lib. I. tardar. passion. cap. V. Ex amore melancholicos, aut insanientes, si alia nihil profint, non pauci sunt, qui vapulare jubent; sæpè etiam errore discussi ad bonæ mentis frugem ipsos eo ingenio reduxerunt. *Rhases*, lib. I. Contin. cap. IV. subinde ex Iudæo, Medico celebri, & quem in testimonium citat, τὸν ἐρωτομανῆ, ubi alia nil profint, ligari jubet, & vapulare fortiter, & pugnīs percuti, idque vicibus repetitis, si non statim subsequatur effectus. Quum una hirundo, ut ait, ver non faciat Rhasi subscribit Ant. Guainerius, Pract. tract. xv. cap. IIX. Et Valescus de Taranta, Philoni lib.

lib. i. cap. xi. cujus verba ipsissima
 hæc sunt: *Si juvenis est, flagelletur
 sulcus ejus cum verberibus, & si
 non sistit, ponatur in fundo turris
 cum pane & aqua, donec veniam
 in sua insania petat; & teneatur in
 disciplina.* Si Senecæ credimus
 lib. vi. de benefic. cap. vii. quo-
 rundam flagellis quartana discus-
 sa est: ob atri fortè lentique hu-
 moris ex flagellatione incalescen-
 tiam, & dissipationem ex motu, ut
 non ineptè conjicit I. Lipsius, in
 Comm. Medicos alios gracilium
 corpora, ut pinguefieret & ineras-
 sarentur, virgis verberari voluisse,
 auctor est Hier. Mercurialis, lib.
 iv. de arte gymnast. cap. ix. &
 mangonum exemplis, id fieri pos-
 se, jam pridem ostenderat Gale-
 nus Meth. Med. lib. xiv. cap.
 xvi. Carnem enim ita elevari, at-
 que

6 DE FLAGRORUM USU

que ad eam alimentum attrahi, certum est. Membra insuper resoluta urticarum virentium fasciculis flagellari solere, ut calor sanguisque in partes penè emortuas alliciantur, in vulgus notum est: quas plagis ferulæ insuper cædendas Themison voluit, lib. i. tardar. passion. apud Cæl. Aureli-
anum lib. ii. Chr. Cap. i. Elidæus Paduanus, Consil. Med. cclxxxii, ad faciliorem variolarum eruptionem tenella etiam, & innoxia infantium corpora, urticarum eorundem incussu converberare non veretur. Monstro ferè simile est, quod de verberum usu in alvi obstructione refert Thomas Campanella, Ordinis Prædicatorum Monachus, quem Neapoli Campaniæ olim novimus. Is Medicinalium lib. iii. Cap. v. art. xii

Prin

Princeps Venusiæ, inquit, Musica
carissimus nostro tempore, alvum
reponere non poterat, nisi verbera-
us à servo ad id adscito. Ad-
it, posse hoc metui dari, cogen-
spiritum ad interiora; quod
nunc non disputo. Esse verò, qui
in Venerem virgarum plagis sti-
nulentur, aut in libidinem verbe-
ibus accensi despument, partem-
que illam qua viri sumus, ad fla-
gelli numeros sonosque infurge-
re; hoc illud erat quod adferenti
mihi tam facile credi non posse
putabas. Faciam tamen ut id cre-
das, mi Cassi, ubi testimoniis au-
ctorum non proletariorum, non
vice simplici id usu venisse osten-
dero, atque argumenta insuper
dixero rationesque, ob quas fieri
id ita potuisse, vel alii putarint,
velego existimem. Nec tamen

A 4

nunc

8 DE FLA GRORUM USU

nunc de urticarum viridium in
 inguina incussibus verborum mul-
 tum faciam. Iis enim brevitatem
 virgæ virilis, si sterilitas obeam
 metuatur, emendari, virgamque
 magnificari, adfirmat Menghus
 Faventinus Pract. part. II. cap. de
 passion. membr. generat. Iisdem
 langventem aut sopitam Vene-
 rem excitari, vel Petronius tuus
 docere te poterit. Apud eum Eu-
 colpio; *funerata erat pars illa corporis, qua
 quondam Achilles fuerat, & frigidior rigente
 bruma confugerat in viscera mille operta ru-
 gis; lorumque in aqua, non inguen erat,
 ut verba sonant auctoris.* Huic
 cum Enothea, Priapi Sacerdos,
 promississet, fascinum tam rigidum red-
 dituram, ut cornu; nasturtii succum cum abro-
 zono miscet, perfusis que ejus inguinibus, viridis
 urtica fascem comprehendit, omniaque infra
 umbilicum lenta manu cedit. Ego de ve-
 ra fortique flagellatione tecum
 actu.

Sturus sum, deque ea primùm
 nunc audiemus Ioan. Picum, Mi-
 andulæ Comitem, qvi seculo ab-
 hinc uno ac dimidio vixit. Is lib.
 11. contra Astrologos, cap. xxvii.
 de familiari quodam suo, vivit ad-
 uoc, inquit, homo mihi notus, prodigiosa li-
 cidinis & inaudita. Nam ad Venerem nun-
 quam accenditur, nisi vapulet. Et tamen sce-
 lus id ita cogitat; scvientes ita plagas deside-
 rat; ut increpet verberantem, si cum eo senti-
 us egerit, haud compos plenè voti, nisi eruperit
 sanguis, & in nocentes artus hominis nocentis-
 simi violentior scutica desavierit. Efflagitat
 miser hanc operam summis precibus ab ea
 semper scævina, quam adit, præbetque flagel-
 lum, pridie sibi ad id officii aceti infusione du-
 ratum, & supplex à meretrice verberari postu-
 lat: à qua quanto caditur durius, eò ferventius
 incalescit, & pari passu ad voluptatem dolo-
 remque contendit. Unus inventus homo, qui
 corporeas delicias inter cruciatus inveniat: &
 cum alioquin pessimus non sit, morbum suum
 agnoscit & odit. Hæc Picus; ex quo rei

A 5 me-

meminere Ioan. Nevizanus, Silvæ
nupt. lib. 1. num. cxxx. & Thom.
Campanella, loco adducto. Quod
si animi non fallor, idem etiam
cum Pici hoc familiari ille fuit,
cujus Cælius Rhodiginus mentio-
nem facit lect. antiq. lib. xi. cap.
xv. & ex Cœlio Andreas Tira-
quellus in lege connubiali xv.
num. v. Ita autem Cœlius: Non
*multis ante annis vixisse quendam in veneris
non gallinacea salacitatis, verum ingenii stu-
pendi maximè, quodque vix impetret fidem
ex adjuratissimis comperitum est: qui quò plu-
ribus affectus fuisset plagis, eò impetuosius ar-
dentiusque in concubitus ferebatur praeceptis.
Fuit omnino mira res: nescires utrum affecta-
ret avidius verbera, an coitum: nisi quod illo-
rum mēsurā libidinis voluptas constabat. Pro-
inde extentis precibus difflagellari exposcebat
pridie, quàm id pateretur, flagello aceti asperi-
tate obdurato. Quod si conerberator lentius
agere fortè visus, velut exstimulante rabie,
conviciis incessebat: nec factum sibi satis arbi-*

tra

rabatur, ni inter cadendum sanguis se ostendit. Vnus, opinor, mortalium inventus, qui eodem impetu in supplicium ferretur, ac deliciis: quique inter tormenta sensuum titillationes, ac aestuantem pruritum vel expleret, vel inderet. Accedat his alius, consimili natura præditus ex Othone Brunfelsio, medico celebri: quem s, in Onomast. Med. in verbo coitus, apud Monachium, Bavaria Ducum selem, suo tempore vixisse, & cum uxore res mariti agere nequisse, nisi acriter ante flagris concisum, testatur. Addo verò & recens nuperumq; exemplum, quod, dum Lubecæ hic ago, conigit. Civis quidam Lubecensis, butyri & caseorum propola, in platea habitans, quæ à molendinis nomen invenit, præter alia facinora ob commissum adulterium ad magistratum delatus, causæque cognita urbe excedere, ac solum vertere iussus fuit. Mere-

tricula, cui is adsueverat, coram
 Senatoribus iudicio criminali præ-
 fectis, quos vulgò die Gerichth-
 herren vocant, confessa est, nun-
 quam illum acrius, quàm virgis
 prius secundum dorsum ab se dis-
 flagellatum, arrexisse, & virum se
 præstitisse: officio verò peracto,
 nisi denuo flagris cæsum, vix ultrà
 quidquam patrare potuisse. Adul-
 ter ipse idem primò quidem ne-
 gare: seriò tamen & severè inter-
 rogatus, non inficias ire. Testes
 do ipsos iudicii criminalis id tem-
 poris Senatus nomine præfectos,
 Thomam Storningium, & Adria-
 num Möllerum, amicos meos, eti-
 amnum, ut nosti, superstites.
 Quibus exemplis, quum fidem
 ut puto, derogare nec velis, nec
 possis; videamus nunc tandem an
 aliqua monstrosæ hujus rei, ut vi-

de

letur, reddi possit ratio. Si Astro-
logos consultum eas, rem omnem
illi in astra referent, & cœlum ac-
cusabunt, quod peculiari occul-
toque influxu peculiarem ejusce-
modi ac prodigiosam ferè natu-
ram hominibus aliquando conci-
liet. *Damnata* nempe dicent, ut Pi-
cus ait, *in hominis genitura Venerem, atque*
adversis, aut alio modo minantibus radiis fla-
gellatam, qua de re pluribus edocere
nos satagit Francisc. Iunctinus de
judiciis Nativit. cap. vi. Verùm
quum cœlum & astra causæ sint
universales, & quæ tam particu-
lares effectus in uno atq; altero in-
dividuo causare nequeant, rejicit
eas non immeritò Picus, & cau-
sam proximiorē quærit. Putat
autem eam in familiari suo fuisse
consuetudinem. Ita enim in nar-
ratione illa pergit: *A quo, diligenter*
tam

14 D^E FLAGRORUM USU

tam insolite pestis causam quum sciscitarer;
 à puero, agebat, sic adsuevi. Et me rursus con-
 suetudinis causam interrogante, educatum se-
 cum pueris scelestissimis, addidit, inter quos
 convenisset hac cadendi licentia. quasi precio
 quodam, mutuum sibi vendere flagitiosa alter-
 natione pudorem. Eiusdem est senten-
 tiæ Cœlius, Pici ut historiæ, ita &
 opinionis in causa adsignanda,
 transcriptor; cujus hæc verba:
Quod nec mirum minus est, non latebat ho-
minem flagitii inusitata species, seque in co-
execrabatur, ac sibi ipsi erat infestus. Caterum
consuetudine depravata amplius prævalente,
utebatur vitio, & improbat. Irroborarat ve-
rò ea, radicesque egerat altius, quod ita erat
assuetus puer, communicata stupri foeditate in-
ter aequales plagarum allecatione. Documen-
to inde præsigni, quantum moribus inolescen-
dis educationis possit ratio. Hæc illi. Ego
 verò non nego, consuetudinis vim
 esse magnam; ac ferè in naturam
 eam abire, pridem me docuit Ari-
 stoteles, lib. de memor. & remi-
 nisc.

isc. cap. iii. & lib. vii. Ethic. cap.
Et notavit Ennius ubi ait:

sus longus mos est, ac meditatio crebra:
nunc tandem assero naturam mortalibus esse.

Eleganterq; ostendit Galenus,
quantam vim & potentiam con-
suetudo in omnibus rebus habeat,
lib. de Consuetud. cap. ii. & iii. al-
teramque naturam vocat lib. ii.
de temper. cap. iv. & lib. iii. de
simplic. cap. xix. Fortè etiam in
Cœlii illo, aut Pici exemplo, suc-
cessu temporis consuetudo ali-
quid ad rem facere potuit. At in
altero Brunfelsii, aut quod ego
commemoravi, causa illa non
procedet. Et cur alii ejusdem
sodalitatis pueri, cum Pici fami-
liari idem non passi sunt? inquit
Thomas Campanella superius ad-
ducto loco. Consuetudo enim
particulariter tantum aliquid
caus-

caussat, atque in uno aut altero
 saltem individuo. Neque omnes
 isti quos recensuimus, ab ineunte
 ætate flagitiosa illa alternatione
 pudorem sibi invicem vendidisse,
 aut flagris in Venerem primis ab
 annis se invitasse, verisimile est.
 Gratulamur nos Germaniæ no-
 stræ, quod scelera ista perversæ
 Veneris, & puerorum contume-
 liæ, aut mutæ alternæque mari-
 um inquisitiones in ipsa ferè ig-
 norentur, aut ab aliquo fortè per-
 petratæ (si tandem exemplum re-
 perias) severè flammis ultatricibus
 puniantur. *Nihil tale novere Germani: &*
sanctius ad Oceanum vivitur, dicebat o-
lim de maioribus nostris Quincti-
lianus, Declamat. pro milite Mari-
ano; cujus pudicitiam tentaverat
Tribunus; qua de re plura dixi-
mus in Comment. ad jusjur. Hipp.
 cap.

cap. xlii. Quum itaque nec astra,
nec sola consuetudo incaussa sint,
ob quam flagra libidinem concit-
ent, videamus porro, num alia
quæpiam subesse queat; quam ut
investigemus, utique paullo alti-
us nobis res fuerit arcessenda.
Sciendum igitur, flagellationem
istam, virgarumque incussus, non
alibi quàm in dorso factos: quod
& meretricula Lubecensis illa
confessa est, & de cæteris æquè
certum est. Neque enim partes
illæ, quibus viri sumus, virgarum
flagra, & quidem ad sanguinis e-
ruptionem, ferre queunt: & com-
muniter flagra tergo sive dorso
incutiuntur. Dorsi autem potissi-
mam partem absolvunt lumbi.
Pars nempe illa corporis, cujus
fundamentum sunt quinque ver-
tebræ, quæ post thoracis verte-
bras

18 DE FLAGRORUM USU

bras locatæ, ad os sacrum continuantur. Has muscoli, & cum adipē cutis extrinsecus tegunt, intrinsecus musculi succingunt, quos Græci *φóας* appellant. Iis porro incumbunt renes, dexter & sinister, unus in quoque latere, & quattuor ferè vertebrarum spatium sua magnitudine occupant; ac venæ cavæ arteriæque magnæ annectuntur. Tàm à vena autem cavā, quàm arteria magna, magna & insignia renes in se recipiunt vasa, quæ *emulgentia* vocant; uterque nempe utrinque vas unum; venam & arteriam: quæ per ramos deinde in ipsam eorum substantiam variè disperguntur. Dextra parte venæ cavæ, sub ipsa emulgente, oritur *seminaria vena dextra*, & eodem loci ex arteriâ magna, *arteria seminaria*, utraque ad testiculum

um dextum descendens. Parte
sinistra, arteria seminaria ex mag-
næ arteriæ trunco, vena verò se-
minaria ex sinistra vena emulgen-
te profectæ, sinistro testiculo in-
seruntur. Nec desunt nervi, qui
ex spinalis medullæ portione, in
prædictis vertebra contenta, ad
renes mittuntur, nec in eorun-
dem tantum tunicas, sed substan-
tiam quoque pertingunt. Ex ipsa
demum cavitate renum, ureteres
producti, vesicæ implantantur. Hæ
partes omnes, ut una lumborum
appellatione venire possunt: ita
unum communemque etiam iis
usum adsignari par erat, ut rectè
statuit Marsil. Cagnatus Variar.
Lect. lib. iv. cap. vii. In singula-
rum quidem partium usum, ossi-
um, musculorum, renum, vaso-
rumque, sat accuratè anquisivere
aucto-

20^o DE FLAGRORUM USU

auctores; at quem in commune
omnes conferant, insuper habue-
runt investigare. Cagnatus o-
mnes, quamque tamen suo mo-
do, semini tum elaborando, tum
ipsi generationis operi perficien-
do, quod naturalissimum vocat
Philosophus lib. II de. an. text.
xxxv. dicatas censuit. Neque aliò
videntur inclinare Hieron. Mon-
tuus Pract. part. I. lib. IV. cap. ult.
& è IC vestris Andr. Tiraquel-
lus, l. Connub. xv. num. XL. XLI.
XLII. Atque id quidem non imme-
ritò, nec temere. Tale quidem
& lumbis, & renibus, ac lateribus,
tum sacræ litteræ, tum antiqui-
tas omnis, sive sacros, sive profa-
nos scriptores consulas, unanimi
consensu jam olim attribuerunt.
Et sacræ quidem litteræ opus ge-
nerationis lumbis non uno in lo-

co

co deferunt, ut Genesios cap.
xxxv. vers. xi. *Reges de lumbis tuis e-*
redientur; & apud Apost. Epist. ad
Hebr. cap. vii. vers. v. *Filii Abra-*
ham, dicuntur, *egressi de lumbis ejus;*
& vers. x. *Levi in iisdem fuisse dicitur.*
Vnde Origenes, dum Homil. i.
in illud Psalmi xxxvii. vers. iix.
Lumbi mei impleti sunt illusionibus: com-
mentatur; *In lumbis inquit, humano-*
rum seminum receptaculum esse dicitur, ex
quo illud genus indicatur peccati, quod per
libidinem geritur. Et proverbium est
apud Hebræos, ut *lumbos pracingere,*
aut *succingere,* dicant pudicitiam ser-
vare, & à libidine sibi temperare.
Hoc respectu Iehovah ad Iobum,
Iobi C. xxxiix. vers. iii. & cap. xl.
vers. ii. *Accinge sicut vir lumbos tuos,*
hoc est, sicut vir fortis restringe
luxuriam: *ut in iis sit,* inquit Isidorus
Orig. lib. xi. cap. i. *resistendi prapa-*

ratio, in quibus libidini est usitata dominans
 occasio. Huc trahit D. Hieronymus
 Comm. in Nahum, illud Prophe-
 tæ cap. ii. vers. i. *Contemplare viam
 tuam, conforta lumbos, robor virtutem valde*
Vti & illud de Iohanne Baptista
Matthæi cap. iii. vers. iv. Ha-
buit zonam pelliceam circa lumbos suos. Ne-
que aliter intelligendus Esaias cap.
xxxii. vers. xi. Ieremias cap. i.
vers. xvii. D. Paulus ad Ephes.
cap. iv. vers. xiv. neque Salomo
quid de muliere forti & pudica ait
Accinxit fortitudine lumbos suos Proverb.
ult. vers. xvii. Apud D. Petrum
verò Epist. i. cap. i. vers. xiii
succinctum esse lumbos mentis, est luxuri-
riam à cogitationibus arcere, ai-
Montuus loco laudato. Fallor eti-
am, an & Romani huc oculum
intenderunt? quando cinctum esse
modestiae, disciplinae, modestique

ani

animi putarunt argumentum, *dis-*
scinctum verò mores dissolutos no-
tare: qua de re plura dixi in Mœ-
cenate. Hodie in Galliis moris
est, ut iis, quibus Apollinaris lau-
rea tribuitur, fascia sericia, tan-
quam insigni quopiam lumbi suc-
cingantur. Eo Franc. Ranchinus
Comm. in Iulur. Hipp. castitatis
necessitatem in Medicis notari
censet. Zonam enim renum coër-
citationem indicare, & effrenatæ
lumborum cupiditatis abstinenti-
am. Hinc Dianam, castitatis De-
am, semper zonam gestare ab an-
tiquis creditum: Hinc *zonam solvere*
in verbis esse nuptis, & virginita-
tis imminutionem notare. Et
rectè Aëtius tetrab. i. ferm. i i i.
cap. i ix. Veneris usum nocivum
esse ait illis, qui lumbos aut renes
habent imbecilles. Eamque ob
cauf-

24 DE FLAGRORUM USU

causam Petronio in Satyrico,
lumbi soluti, sunt Venere enervati.

Sed & podagricum se esse, inquit, lumbo-
rumque solutorum omnibus dixerat. Tales

Catullo Epigr. xvi sunt;

Qui duros dequeunt movere lumbos.

Quibus opponit Martialis lib. v.
Epigram. LXXIX.

Lascivos docili tremore lumbos.

Et Auctor Carminis liberi fluctuan-
tes lumbos. Carm. xlix.

*Ecquando Theletusa circulatorix,
Crissabit tibi fluctuante lumbo.*

Fluctuare enim est crebrò move-
ri, & ad exemplum fluctuum in-
quietari. Græcis est *ἐκινῶσθαι*, Lati-
nis crissare. Inde *ἐκινώματα*, impudica
saltationis genus. Et respi-
cit huc Persius Sat. i. ubi de
lascivis versibus, & quæ libidinan-
tem pruritum auditoribus exci-
tant, ait:

— cum carmina lumbum

Intrant, & tremulo scalpuntur ubi intima
versu.

Et Iuvenalis Sat. v. 1. de tibiis Sa-
cerdotum Bonæ Deæ:

*Nota Bonæ secreta Deæ, cum tibia lumbos
Excitat, & cornu pariter vinoque feruntur.*

Quare etiam Isidorus loco addu-
cto lumbos ob libidinis lasciviam dictos
vult, quod viris causa corporeæ
voluptatis in ipsis resideat. Nico-
laus Perottus, in Cornucop. plani-
us à lubidine seu appetentia dedu-
cit. Esse enim lumbos à lubendo, inserta
in littera, quod sæpè usu venit. Ita
cumbo à cube, à pago pango, à frago frango,
ait doctissimus Matth. Martini-
us, in Lexico Etymol. Atque ut
lumbis, ita & renibus, lumborum
parti, & quidem principi, si con-
formationem spectes, idem offi-
cium tribuitur. Hos enim ad ge-

B

ne-

nerationis officium facere lib. I I
 Reg. innuitur, cap. VII. vers. XII
Filius qui egreditur de renibus tuis. Vnde
 Tertullianus lib. de carnis resur-
 rect. vocat *renes concios seminis.* He-
 fychius Presbyter, quem corrup-
 tē Isicium vocant, Comment. in
 Levitic. lib. I. *Renes, inquit, sunt coi-
 talium seminum ministeria: & mox: in re-
 nibus coitalis operationis sunt semina.* D.
 Augustinus enarrans Psalmi VII.
 vers. II. scribit *nomine renum delectati-
 ones Venerias intelligi.* D. Hieronymus
 Comm. in Nahum Prophetæ cap.
 II. *Omnia, ait, opera, quæ ad coitum perti-
 nent, renum appellatione venire: quod fe-
 rè repetit Comm. in Ezechiel.
 cap. XVI. Verba in super illa Iere-
 miæ, cap. XVI. vers. X. & Apoca-
 lypf. cap. II. vers. XX. scrutans renes
 & corda; Nicolaus Lyra explicat:
 examinans & puniens concupiscentias &*

*cogitationes malas. Per cor nempe cogita-
tiones, per renes in sacris litteris concu-
piscenciæ intelliguntur. Itaque Psal-
mog. Ps. xxvi. v. 11. Deum rogat, ut
renes ipsius & cor urat; & ex ipso Eccle-
sia in hymno illo. Vere igne sancti Spriri-
tus, renes nostros, & cor nostrum, Domine; ut ti-
bi casto corpore serviamus, & mundò corde
placeamus. Et communiter Theolo-
giperid, quod Exodi xii. vers.
xi. præcipitur iis, qui agnum pa-
schalem comedebant, ut renes accin-
gant, intelligunt refrenationem libidinis.
Ausonius renibus uti, usurpavit pro
libidini indulgere. Epigr. xii. Viere re-
ne tuo. Et vulgò joculari sermone
nostratibus renes purgare dicuntur,
qui Veneri litant. Quæ causa est,
cur Hippocrates lib. de morb. int.
Aristoteles Prob. sect. iv. Probl. ii.
Galenus lib. vi. Epid. comm. vi.
Aëtius tetrab. i. serm. iii. c. 11 x.*

Avicenna lib. III. fen. IIX. tract
 II. cap. XI. plurimique Medico
 rum alii, Veneris usum nimium re
 nibus obesse nos docuerunt. Qua
 caussa etiam est, cur Fulgentius
 Mythol. lib. III. *Veneri renes dicatos*
 scribat. Quod si etymologiam
 denique nominis, & originatio
 nem inquisieris, Varroni, Roma
 norum doctissimo, ut vocat Quin
 tilianus Instit. Orat. lib. X. cap. I.
renes dicti fuere ἀπὸ τῆς ῥένος, quasi rivi
ab his obscæni humoris, puta seminis,
oriantur, si Lactantio credimus lib.
de Opific. Dei cap. XIV. & Isido
ro Orig. lib. XI. cap. I. Neq; est,
ut per obscænum humorem uri
nam intelligas, quod quibusdam
placere video. Explicās enim Var
ronē Isidorus, Vena & medulla, inquit,
tenuem liquorem desudant in renibus, qui li
quor rursus à renibus calore Venerio resolutus
de-

decurrit: quod de urina nemo sanus
dictum adferat. Et Hebræi *renes à*
concupiscentia appellant כְּלִיֹּת. Nam
כְּלִיֹּת est *efflictim cupere*. Et quia *renes*
in lumbis ad latera sunt siti, hæc eti-
am ad Venerem & opus generati-
onis facere, creditum fuit. Hinc
apud Ovidium lib. 1. Amor. El.
118. pudicissima illa sceminarum,
ut credebatur, procorum vires
probatura, & robustum latus, ar-
cum ipsis proponit, jubetq; *ὁπλῶν*
ἐνταύροις.

Penelope vires juvenum tentabat in arcu:

Qui latus argueret, corneus arcus erat.

Nec inficias it Penelope ipsa in
Carminе libero Epig. LXIX. ad
procos.

Nemo meo melius nervum tendebat Vlyssē:

Sive illi laterum, seu fuit artis opus.

Qui quoniam periit, modò vos intendite:
qualem

Esse virum sciero, vir sit ut ille meus.

Hinc El. x. Ovidio lib. ii. Amor
lateri vires dare, est concitare in libi
dinem ;

Et lateri dabit in vires alimenta voluptas. Petroniu
Et Apuleio lib. iix. industria laterum
est potentia in rebus Veneriis: For
tissimum, ait, adducunt rusticorum, industri
laterum atque imis ventris bene preparatum
Juvenali verò & Ovidio lateri parce
re, est à Venere temperare. Ita
enim ille de Catamito, Sat. vi.

—— Nec queritur, quod
Aut lateri parcas, nec quantum jussus anheles
Hic verò lib. ii. de arte ;

Et lateri ne parce tuo: pax omnis in illo est.
Contrà Martiali lib. xi. Epigr. cv
latus rumpere, est Veneri nimiam ope
ram dare:

Et juvat admissa rumpere luce latus.
Et lib. xii. Epigr. xcix.
Rumpis Basse latus, sed in comatis.
Item Tibullo, aut si quis alius est
auctor, in Iambis ad Priapum :

E

*Et inquietus inguina arrigat tumor,
Neque incitare cesset, usque dum mihi
Venus jocosa molle ruperit latus.*

Petronius in Satyrico dixit latus con-
vellere. Timebam, inquit, ne frater latus
convelleret. Alibi etiam latera invalida,
emerita, exfututa, defecta, & defessa, sunt
Venere exhausta. Ovidius Amor.
lib. 111. Eleg. x.

*Vidi ego cum foribus lassus prodiret amator,
Invalidum referens, meritumque latus.*

Catullus Epigr. vii.

Quir non tam latera exfututa pandas?

Priapus in Carmine libero. E-
pigr. xv.

*Ipsi cernitis exfututus ut sim,
Confectusque, macerque, pallidusque, &c.
Defecit latus, & periculosam
Cum tussi miser expuo salivam.*

Suetoni⁹ in vitâ Caligulæ c. xxxvi.

*Valerius Catulus, consulari familia juvenis,
stupratum à se Caligulam, ac latera sibi con-*
tubernio ejus defessa, vociferatus est. Apu-

lejus lib. VIII. *Diu vivas; & Dominus placeas, & meis jam defectis lateribus consulas.* Ex quibus omnibus tam clarum liquet, ut Plauti verbis hic utar

Quam solis radii olim, quom sudum est, solent,

neque novam esse opinionem aut nuper natam, sed fundamentum habere in unanimi totius antiquitatis consensu, sacrarum etiam litterarum testimonio firmatam, lumbos, lumborumque partes, renesque ad generationis opus facere. *Communis autem sententia, seu Doctorum opinio, ut Iurisperiti tui loquuntur, Cassi, non potest totaliter esse falsa.* Quæ itaque ei rei subsit ratio, operæ precium, nunc porro fuerit inquirere. Simul enim & causam invenerimus, ob quam lumbis inflicte plagæ & flagrorum verbera, libidinis sint incentivum. Cagna.

natus quidem, & qui ipsi favere videtur, Montuuus, rem omnem lumbis tribuit, quatenus ex iis constituuntur partibus, quas paullo antè recensuimus. Ex vertebris nempe, musculis, renibus, venis, arteriis, nervis. Ita tamen, ut venis & arteriis seminariis principatum tribuat, ut quæ & materiam semini præbeant, albescentemque humorem, qui vel semen jam sit, vel mox futurus, in se contineant, & à se ad testes amandent. Atque ab hoc humore, in venis arteriisque turgente, seminis projiciendi prolubium ait excitari, & pollutiones nocturnas causari, in iis præsertim, quibus ob decubitus in dorsum vasa illa incalescunt. Bartholomæus Montagnana Consil. Med. xxxvii. & Nemeseus Philosophus lib. de nat.

B. 5. hom.

hom. cap. xxvii. renibus, par
 lumborum, rem totam transcr
 bunt; quod & Ioh. Matthæus fa
 cit, Quæst. Med. xc. Garyopontu
 medicus Latinus, sequior istame
 ævi, lib. iiii. Pract. cap. xxxiv.
 super Cl. Dan. Sennertus, Pra
 ceptor olim noster, & amicus, du
 in vivis erat, honorandus, Pra
 lib. iiii. part. vii. Sect. i. cap.
 Nectamen omnes illi eodem mo
 do rem explicant. Bartholon
 Montagnana quidem, examina
 Avicennæ locum lib. xlix. fe
 iiii. cap. de renib. & ren. cal.
 Subtiliter, ait, memorandum est, propter qu
 renum debilitas ab Avicenna dicatur caus
 defectus coitus. Et postquam dixisse
 materiam feminalem perfecti
 nem adæquatam indipisci à test
 um temperie & facultate, subju
 git; *namque ad id non est habere*

disponi in membris superioribus, in quibus potentior sit vis digestiva, ut in hepate & renibus: in illo nempe remotius, in his proximius. Et proinde concludit, impossibile esse semen verum generari, nisi membra illa, hepar nempe & renes, sint debite complexionata & organizata, in complexione & unitate sua. Nemescius verò falsedinem tantum quandam à renibus ad testes transmitti putat, quæ appetitum, aut pruritum potius, in genitalibus exciter, atque ita suo quodam modo ad Venerem faciat. Renes, inquit, sunt sanguinis purgamina, & ad coitum fiunt causa appetitus. Nam venæ quæ in geminos delabuntur, per renes transmeant, & illinc acorem quendam hauriunt, appetitum irritantem, eo modo quo sub cute genitus acor pruritum facit; & quod geminorum pulpa cute est mollior, eò magis illi ab acore lancinati, furiosam ad egerendum semen irritant cupidinem. Neque aliud innuunt Isidori verba paullo antè adducta. Atque eadem ferè est lo.

Matthæi sententia, nisi quod re-
 sinistro hic plus tribuat, quam
 dextro. Vena enim seminalis sinistra, in-
 quit, emulgenti juxta renem sinistrum in-
 plantata, sanguinem multa salsedine aquo-
 dilutum ad excitandam *ἐκπύλω* & generatio-
 nis stimulum, subministrat. Garyopontu-
 ait, renes natura musculosos esse, & nervi-
 ipsorum inherere cavernis, quæ genitale semen
 contineant. Vim nempe *σπέρμα* tribuit, atque ita tribuit
 ut ipsum in illis semen elaborari
 contineri credat. Quæ sententia
 etiam est cel. Sennerti, quam
 hic longè alia ratione eam profe-
 rat, & dilucidius mentem suam
 explicet, ac proximius ad
 Anatomicam, quam Garyopo-
 tus. A renibus nempe non stim-
 lum saltim partibus genitalibus
 communicari, sed semen ipsum
 in iis elaborari, atque ab iisdem

po-

tu.

tudine nunquam efformasse, ni
 peculiarem finem spectasset
 Quem quidem finem non aliun
 esse concludit, quam sangvini
 arteriosi ad renes delationem, u
 in ipsorum substantia cum sangvi
 ne venoso mixtus, & alteratus
 semini generando materiam sup
 peditet, ad testes deinde trans
 mittendam. Vnde porro quærit
 quâ fiat, nisi sententia hæc admit
 tatur, quod sapor ille, ac odor
 qui in animalibus pluribus non
 castratis, per universum corpus
 diffunditur, maximè tamen in
 renibus percipiatur, ac potissi
 mum in animalibus adultis; in no
 vellorum ac teneriorum renibus
 dum nondum foeminas ineunt
 non reperiatur? Addit præterea
 ex Oribasio lib. vi. Collect. cap.
 xxxix. ex retento semine renes

ma

malè affici; inter calidorum re-
 num signa à Medicis recenseri
 propensionem ad libidinem, som-
 nia libidinosa, & nocturnas in
 somno pollutiones; qualitates in-
 super seminis ex renum constitu-
 tione Practicis deduci. Denique
 in gonorrhæa lumbis ad renum
 regionem pro semine imminuen-
 do aut alterando remedia adpli-
 cari, ex Aretæo docet, lib. ii.
 Chron. cap. vii. & Alex. Tralli-
 ano lib. ix. cap. ix. Atque huic
 Sennerti sententiæ probandæ,
 adde quod Plinius habet lib.
 xxxiv. cap. xviii. *Plumbum, ad al-
 ligatis lumborum & renum parti laminis,
 frigidioris natura inhibere impetus Veneris:*
 additque exemplum: *Calvum Orato-
 rem visa Veneria, sponte natura erumpen-
 tia, usque in morbi genus his laminis cohibuisse.*
 Adde Galenum lib. v. de tuenda
 valet. cap. ult. lib. vi. de loc. aff.

cap. ult. & lib. xiv. meth. med. cap. vii. qui athletas similiter a pollutiones nocturnas inhibendas, & Veneris impetus compescendos, laminas plumbeas adhibuisse scribit, & lumbis ceratur ex simplici rosaceo, cum aqua frigida subacto, applicat in priapismo. Adde Aëtium, qui cum Theod. Prisciano lib. 12. cap. x lumbis non tantum laminam plumbeam, & refrigerantia adhibet, sed decubitum etiam supernum damnat, ne partes lumborum incalescant, & malum indaugeatur, tetrab. 1. serm. 111. cap. xxxii. & xxxiii. Adde Oribasium Synops. lib. ix. cap. xxxix. & xi & Paullum Æginetam lib. iii. cap. lv. & lvi. quorum uterque idem statuit; hic verò etiam urinas cietia medicamenta in gonorrhoea

pre

prohibet, ne renibus in lumbo-
um regione positus noceant. Nec
tuit hæc res Avicennam, qui
b. III. fen. XIX. c. IX. inter sig-
a renum extenuatorum, & exo-
etorum, ponit defectum coitus;
c. XI. causam debilitatis renum
inter alia facit frequentio-
rem coitum: & c. XIII. ad debilitatem re-
um corrigendam coitus suadet
abstinentiam. Nec ignoravit Aa-
on, medicus celebris apud Rha-
en, lib. XI. Contin. c. V. qui ait:
i erectio veretri fuerit debilis, erit causa ex-
epate & renibus. Et trahendus huc A-
ristoteles, qui animantia alia, præ-
ter hominem, gonorrhœa non la-
porare ideo putavit, quod in dor-
um non decumbant, Probl. sect. X.
r. XIX. Nec videtur hanc rem ig-
norasse matronæ Athenienses, quæ
in Thesmophoriæ festo (quando
seorsim cubabant à viris, Per-

42 DE FLAGRORUM USU

Perq³ novem noctes Venere in tactu q³ virib³

In retitis numerabant,

ut Ovidius loquitur lib. xi. M³enibus hu
tam. fab. xi.) ex αἴνω Latini vitice³ credam
& agnum castum vocant, cubitus fil³eratiōi
sternebant. Vitex enim ille, frute³ Quemadm
est, seu arbuscula, libidini restit³ Venere
guendæ dicata. Igitur ejus foli³olia medic
dorso substernebant, ut eo mod³ola, non
vim seminis generandi, & libid³um, sed
nem concitandi, in renibus, pa³nungent
tibusq; vicinis morarentur. Histe³diuretic
riæ meminere Dioscor. lib. i. c. cxi. ac decub
Plin. lib. xxiv. c. ix. Galenus lib³at & ren
vi. de simpl. med. fac. Ælian. d³ & lemer
anim. lib. ix. c. xvi. Neque ali³quin V
est caussa, ob quam renes anima³reaccer
lium, & præcipuè hirci, ad co³xi. Co
tum; atq; ab Aëtio partes qu³stantur
sunt circa renes scinci, ad tent³rum cre
ginem fascini excitandam cor³Et Mil
mendantur, loco adducto, c. xxx. eander

N-

Nisi quod analogiam quandam
habeant, & similitudinem cum
Menibus humanis, ob quam juvare
eos credantur, & ad officium ge-
nerationi destinatum excitare.
Quemadmodum & iis, qui minus
in Venerem sunt prompti, inter
alia medicamenta, unguenta cali-
da, non partibus pudendis tan-
tùm, sed renum etiam regioni
nurgenda, præscribi solent; &
diuretica valida, ut cantharides;
hic decubitus in dorsum imperari,
ut & renes hoc pacto incalescant,
& semen ad testes concitetur, ac
qui in Venerem frigidi languent,
reaccendantur. Vnde Rhases lib.
xi. Contin. c. v. Quoties, inquit,
fricantur lumbi cum medicinis calidis, vere-
trum crescet in erectione, & magnificabitur.
Et Mifih Arabs, in Summa apud
eundem Rhasen; Calefactio dorsi, ait,
sub-

44 DE FLAGRORUM USU

subvenit ad luxuriam : (h. e. facit irritandæ libidini) & sicut in frigidatione, & dormitio super folia frigida, diminuit luxuriam, ita calefactio auget in luxuria naturabiliter. Ex quibus omnibus primum hoc concludimus, facere quidem ad Venerem exercendam lumbos, ut ex partibus suis constituantur, & cum primis venas & arterias, ut quæ materiam ac spiritum deferant, quod volebat Cagnatus; præcipuum tamen organum esse renum *παρέγχυμα*, cujus beneficio semen primum incipiat laborari, perfici deinde porro, & æquabilitatem indipisci in vasis quæ & Sennerti, ut patuit, & nostra est sententia. Nec tamen de nihilo est, quod Nemeseus notabat cum Isidoro, & Matthæus falsedinem quandam, & serofar materiam simul semini communem

ca

ari & tentigini excitandæ à reni-
us ad testiculos adimplaustrari, quod
erbi hac ipsa in re usurpat Papias
Grammaticus, in Vocabulario.
Concludimus porro, flagra dorso
ive lumbis inflicta, quia partes se-
mini generâdo dicatæ, ac semē ad-
genitales partes deferentes, ab iis
incalescunt, in Venere excitanda,
ut libidine, multum posse. Vnde
non mirum extincti illos pудо-
is bipedes libidinisque abomi-
andæ victimas, de quibus egi-
nus; aut alios nimia Venere ex-
naustos, lumborum partibus de-
ectis, lumbisq; solutis, à flagris re-
medium quæsiuisse. Horum enim
incussu partes refrigeratas verifi-
mile est rursus incalescere, ac ma-
teriæ seminali fervorem concilia-
ri, accedente præsertim partium
verberatarum dolore, qui facit, ut
ube

46 DE FLAGRORUM USU

uberius sanguis, spiritusque attrahantur, donec calore ipsis etiam generationis instrumentis communicato, male feriatae voluntati desiderium expleatur, & natura etiam invita, atq; ultra modum potentiae suae, vi in flagitia adigatur. Hæc mea est sententia, mi Cassi. At inquires, illi quidem, de quibus tu agis, abominanda libidine exhausti, ut illicitam Venerem continuarent, porroq; in eodem scelerum cœno se volutarent, remedium hoc usurparunt. Quæro autem, postquam res ita habet, an non eodem, non secus ac medicamentis aliis, citra crimen ac reprehensionem uti is etiam possit, qui licitæ quidem Veneri addixit operam, latera tamen, & quæ præterea utramque hic paginam implere debebant, languidiora exple

pe

eritur, aut planè, ut Virgilii utar
verbis ex lib. III. Georg.

*Frigidus in Venerem fertur, frustra q₃ la-
borem*

*Iucundum trahit, & si quando ad praelia
ventum,*

*Vt quondam in stipulis vanus sine viribus
ignis*

Incaustum furit,

t creditricis etiam, non dicam

debito, sed nec τω interesse saltim

ut solvendo? Quidni verò, amice

Cassii? Te quidem, remedii id ge-

nus ut usurpes minimè opus ha-

bere, juramento quinquagenario

contendere paratus sum. Aliud

sempe de te, qui Medicus audio,

etq; hac in re ex artis præscripto

iudicare quidpiam aut possim, aut

lebeam, non falsus cōjectator pri-

dem præsumpsi. Aliud modò testa-

tur nuptæ novellæ & musteæ ute-

us recēter verminans, testis omni

ex-

48 DE FLAGROR. USU IN RE VEN.

exceptione major, & cui fides merito
arbitranda, cui felicem etiam justo tem-
pore λύσιν Deum poscimus. Ut cum aliis
idem communices remedium, si qui sint,
qui opus habeant difflagellatore,

Qui validè intorto verberare terga secet,
nullus vetabo. Αφθόνως esse oportet non
Μεσῶν tantum ἥ γε, quod vulgò dici so-
let, sed ἰατρῶν maximè. *Invidentia enim*
crimen, ut Scribonius Largus ait in Episto-
stola ad C. Iulium Callistum, *quum omni-*
bus invisum esse debeat, tum præcipuè Medicis
in quibus nisi plenus misericordiae & humani-
tatis sit animus, secundum ipsius professionis
voluntatem, omnibus Diis & hominibus invid-
esse debent. Ego tamen in tui saltim grati-
am, ὧ φίλον κάρε, quum ita volueris, ani-
mì mei sententiam liberius paullo tibi
explicare volui. Tu boni qualia qualia
consule, & me tuum porro ama, quod
facis, jocisque innoxiiis, qui in seria ta-
men ducunt, veniam impertire & bene-

va'e. Lubecæ Kal Sext. Anni
cIo Io cxxxix.

LE VEN.

les meri
nullo tem
cum ali
li qui fin
re,
fecet,
ortet no
pō dici fo
miseria
in Episto
aut omni
Medici
human
professio
liber in
um grati
peris, an
ullo tibi
lia qualia
ta, quoc
seria ra
& bene
anni

